

مجروح لجلتك دلالي  
دمع جفوني موجور  
يحسين يا طيف آمالي  
مَ يفارگني عاشور

\*\*\*

هـذا انـا ربـاني الحـزن  
ما يكفـي بـس انـحب واون  
وفـي ماتمـك سـال الجـفن  
والظـم بجـفـي اعـلى هـامي  
مـن صـغري وآنـا بماتمـك  
يـأذيني كـل شـي ألمـك  
وعـالمي صـورة عالمـك  
والألـم فـي كـلبي طـامي

مأسور وبحك أسري  
يا مصحف عزة ونور  
يحسين يا ماخذ عمري  
مَ يفارگني عاشور

\*\*\*

أول حكايات الوجع  
والسهم من ظهره طلوع  
ترسم خيال اللي انصرع  
وأتأأصرخ يا إمامي  
والنـاعي يوصـف مصـرعه  
وآنـا تظـل روحي معـه  
وتاليهـا أبيات الـدعا  
حتـى فـي سـاعة منـامي

موجوع عايش بمصابه  
تنور احزاني يفور  
لدموع لجله سجا به  
مَ يفارگني عاشور

\*\*\*

چم صوره في بالي تمر  
سبي النساء وحررق الخدر  
لمن مصابك يندكر  
جنهـا تتمثـل أمـامي  
تتعـنى وتنشـوف الـگمر  
يمهـ جـوده ومات ظـامي  
ساعاتها روحي للنهـر  
متعفر وهامه انطبر

بلسهام عينه مخسوفه  
گلبي لحاله مكسور  
مطروح ومگطوعه جفوفه  
مَ يفارگني عاشور

\*\*\*

بلهفة العاشگ كل سـنه  
چني أم مات لها ضني  
ألـبس حـدادي وأعـلنه  
والـونين ابلـغ كلامـي  
هـذا الحـزن بيـ اشـعمل  
والـدمع مـرهم سـقامي  
وفي لـوعتي حـاير أظـل  
جرحي ما في لحظة اندمل

مفتون والحب جنني  
واللي مثلي معذور  
يحسين يا جنة حزني  
مَ يفارگني عاشور